



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dialogue De La Tres-Sainte Vie De La Vierge Marie. De
ses eminentes perfections, & les devoirs que nous luy
deuons rendre**

Pont-A-Movsson, 1649

XC. Quels autres principes, & maximes leur suggeroit elle ?

[urn:nbn:de:hbz:466:1-46934](https://nbn-resolving.org/urn:nbn:de:hbz:466:1-46934)

*La Vierge aimoit-elle également tous
les Chrestiens?*

On ne peut douter qu'elle ne les aimât tous; mais pourtant, elle avoit des affections particulieres pour ceux qui menoiét vne vie plus sainte, & conforme aux maximes de l'Euangile, les encourageant au train, & à la poursuite des solides vertus. Cette Princesse du Ciel scauoit bien que tant plus les personnes sont vertueuses, tant plus elles sont aimables, n'y ayant rien plus digne d'amour, que la vertu: comme au cōtraire, il ne se trouue rien plus digne d'estre hay & mesprisé, que le vice, & le vicieux, ainsi qu'enseigne le Sage.

x c.

*Quels autres principes, & maximes
leur suggeroit elle?*

Entre autres qu'elle leur repetoit souuent, c'estoit: 1. De faire grand cas de Dieu, duquel ils dependoient en tout, comme de leur cause effi-

ciente

ciente ; & finale leur monstrant qu'ils ne deuoient rien tant souhaiter que de luy plaire, & rien tant apprehender que de luy desplaire.

2. Elle les exhortoit à n'estimer rien plus que la vertu. 3. A preferer les biens de l'ame à ceux du corps.

4. A viure tousiours au mesme estat auquel ils voudroient mourir, puis que de la mort dépend l'eternité bien-heureuse ou mal-heureuse.

X C I.

Dites nous vn mot de sa conuersation avec le monde ?

Quand la charité l'ob'igeoit à quelque visite, elle y alloit, afin d'animer à l'amour de Dieu tous ceux qui auoient l'honneur de luy communiquer. Particulierement elle visitoit les pauvres, les malades, & affligez ; les consolant par ses discours celestes, & les guerissant pour la plus part, par la vertu de ses prieres, & par ses regards, & paroles debonnairees. Ce qui est plus admirable, c'est que par son chaste main-